

**RELATIO FACTA IN  
CONSISTORIO  
SECRETO CORAM  
S.D.N. GREGORIO  
PAPA 15. A...**

---

Francesco Maria Bourbon del  
Monte, ...



THE  
FEDERAL  
BUREAU OF  
INVESTIGATION  
OF THE  
DEPARTMENT OF JUSTICE  
WASHINGTON, D. C.  
OFFICE OF THE  
DIRECTOR  
1000 PENNSYLVANIA AVENUE, N. E.  
WASHINGTON, D. C.  
ADJUTANT GENERAL  
OF THE ARMY  
WASHINGTON, D. C.



IVINAE prouidentiae consilio  
statutum est, Pater Beatissime,  
vt Christus Deus, & homo  
ineffabili mysterio in tempore  
de Virgine natus, suae legis  
splendore humanum genus ad  
salutem illustraret: quem propterea Aeterni Pa-  
tris nomine ita Isaias alloquitur: *Ecce dedi te  
in lucem gentium, vt sis salus mea usque ad extre-  
mum terrae.* Non tamen omnibus per se ipsum  
Christus hoc beneficium contulit: sed intra Iu-  
daeae fines se continuit; inde verò Apostolos,  
tamquam Solis splendidiſſimos radios, misit in  
vniuersum mundum praedicare Euangelium.  
nec Apostoli electi à Deo nuncij omnes orbis  
terrae prouincias peragrarunt. Sed cum falli  
non possit diuini Oraculi vox, quae de illis præ-  
dixit: *In omnem terram exiuit sonus eorum, & in  
fines orbis terrae verba eorum:* Apostolis Apostoli-  
ci viri successerunt, qui ab hac Sancta Sede  
missi Christum Dei salutem, ac veram mun-

A 2 dilu-

di lucem alijs subinde prouincijs prædicarunt :

Hos inter Seruus Dei Franciscus Xauerus ita eluxit, vt in eo diuini Oraculi pars illa impleta esse videatur ; *Et in fines orbis terra verba eorum.* Diuino enim beneficio segregatus in Euangelium Dei, quæ immensa patent Oceani littora ad orientem solem, deduxit sonum Apostolorum, *Et in fines orbis terræ verba eorum.* Nam vt taceam Indos, Brachimanas, & Malabares, ad quos aliqua Euangelij fama olim emanauit, & multorum sæculorum ætatibus oblitterata Xauerij prædicatione reuixit : ipse primus Parauis, Malais, Iais, Acenis, Mindanaïs, Molucensibus, ac Iaponibus apostolico sane spiritu, & virtute Euangelicæ lucis fulgorem induxit, & salutem annunciauit. Ultra quas prouincias ad orientem solem nihil reliquum orbis terrarum habet.

Nuncius tamen ille hinc discessit apostolicus, à Paulo III. Pontifice Summo missus, vt illis gentibus salutem nunciaret : & Apostolus inde reuertitur. hoc enim nomen apostolicis factis primùm in Lusitania obtinuit ; deinde in India, Iaponia, Sina, & reliquis Orientis prouincijs conseruauit: communi enim omnium consensu nonnisi Apostolus nominatur. Meritoque tam honorifica appellatione dignus censetur, qui  
aposto-

5

apostolico sane spiritu in tot prouincijs Euangelium prædicauit; ita Domino cooperante, & sermonem Serui sui confirmante sequentibus signis, vt multa centena hominum millia doctrina, & miraculis Apostolorum miraculis simillimis, ab idolorum seruitute ad veram libertatem filiorum Dei traduxerit, in fide instituerit, & propria manu baptizauerit; inter quos Reges, ac Principes non pauci numerantur. Quod Apostoli nomen, ab hominibus Seruo suo tributum insigni miraculo Deus confirmasse videtur: cum illi non solum miraculorum, sed etiam linguarum dona concesserit; quibus olim Apostolos Hierosolymis ad prædicationem Euangelij armauit.

Apostolus igitur ad hanc Sanctam Sedem reuertitur, qui Apostolicus Nuncius ab illa missus est, vt fructum afferret: & fructus eius manet; quem tu Summe Sacerdos benedicas, & Deo offeras. illius enim fructus sunt tot millia hominum Catholicæ Ecclesiæ aggregata; tot illustrium virorum victoriæ, qui in illis prouincijs, in quibus Euangelium prædicauit, pro fide tuenda sanguinem profuderunt, hodieque profundunt; constantia, & patientia, qua innumerati confessores inter acerbissimas persecutiones si-

A 3 dem

dem tuentur . illius etiam fructus est nomen, & fama, quam apostolicæ sanctitatis vbique obtinuit, & desideria totius Ecclesiæ de illius Canonizatione . nulla etiam natio est in orbe christiano, quæ Xauerium eximie sanctum non prædicet, cupiatque plenos illi Beatorum honores ab hac Sancta Sede pro tantis meritis tandem decerni .

Hæc igitur celebris fama, communisque Ecclesiæ vox, ac desiderium, Pauli V. fel. rec. animus inclinarunt, vt ad preces totius Societatis IESV, illiusque Præpositi Generalis in ordinem ad Canonizationem de vita, & sanctitate huius heroici viri, iuxta sacros Canones inquiri iusserit: proptereaque fabricatis processibus de iure, ac stylo necessarijs, illisque maturè per plures annos discussis, hodie in eo statu causa versatur; vt legitimè instructa videatur. & iussu S. V. coram amplissimo Sacro Senatu illius statum relaturus, breuitati consulendo, tripartito ordine illum explicabo.

Primo, vitam, actiones heroicas, virtutes huius Serui Dei proponam.

Secundo, res in huiusmodi causa ordinatim gestas.

Tertio, miracula insignia à Deo eius intercessionem

sione facta : vt si priora duo S. V. approbatione digna esse iudicauerit, & hanc postremam partem recensendam decreuerit : rogatis de more singulorum Reuerendissimorum DD. meorum sententijs ; quid pro Dei gloria, & Catholicæ fidei exaltatione magis expediat ; deliberare , & statuere possit.

## DE VITA.



**I**n ea Nauarræ parte, quæ trans Pyrenæum montem ad Hispaniam pertinet, natus est Seruus Dei Franciscus Xauerus anno Domini millesimo quadringentesimo nonagesimo septimo, in castello Xauier, à nobilibus parentibus Ioanne Iasso regij eiusdem prouinciæ consilij præfide, & Maria Azpilcueta Xauerij oppidi, & aliorum circa locorum dominis ; à quibus piè educatus, & christianæ disciplinæ rudimentis diligenter instructus, vbi ætas adoleuit, Lutetiam Parisiorum missus est ; vt in celebri illa academia litterarum studijs animum excoleret. Cumque de eo domum reuocando pater cogitaret ; Maria Magdalena Francisci soror, quæ Gandiæ discalceatarum Virginum

magna sanctitatis fama Monasterium regebat , de patris consilio , ac fratris futura gloria diuinitus edocta , ad patrem scripsit : Parisijs Franciscum omni ope foueret , vt in studijs pergeret , etiam si opus esset domesticum censum in ea re exhaurire : quia nimirum electus à Deo noui orbis Apostolus erat .

Parisijs ergo amicitiam contraxit Franciscus cum Ignatio Loyola Societatis IESV postea parente , & fundatore ; qui eum ad diuinam gloriam procurandam socium à Deo multis obtinuit precibus , & lacrymis : spiritualibusque exercitationibus instruxit . Quibus ille tantum profecit ; vt Euangelicæ perfectionis amore incensus , sæculi honoribus , ac diuitijs contemptis , durum , ac vile vitæ genus eodem B. Ignatio duce animosè aggressus sit , & constanter profecutus . Victum emendicando quærebat ; orationi , & diuinis rebus vacabat semper ; corpus ieiunijs , alijsque pœnis affligebat .

Egressus Parisijs in Italiam venit ; & dum peregrinandi in Palæstinam tempestatem expectat cum socijs , vt Turcarum conuersioni ibi incumberent , cuius rei voto se astringerant : Venetijs , Bononiæ , alijsque vrbibus præclaro sanctitatis exemplo , & spiritus ardore , concio-

nando,



nando, alijsque pietatis, & charitatis officijs proximorum salutem indefesso incubuit studio. Venetijs ad titulum paupertatis sacerdos creatus, magno humilitatis, & charitatis exemplo ægrotis in hospitali domo inferuiuit, illis familiaribus assistens; quorum aspectum propter insanabiles morbos, ac vulnera reliqui ferre non poterant: & vt gloriosorem de se victoriam reportaret, sæpe aquam hausit, qua illorum vulnera lauerat:

Sublata igitur nauigandi eo anno spe, Romam cum alijs focijs venit, quemadmodum inter omnes conuenerat; vt se Summo Pontifici sisterent, offerrentque in quascumque vellent prouincias amandare ad proximorum salutem procurandam; vitamque hinc spiritualibus exercitationibus, ac laboribus pro diuina gloria ditissimam, cæterum pauperrimam, & asperam dum agerent, iactis primis Societatis IESV fundamentis, Ioannes Lusitaniæ Rex, Orientalis Indiæ conuersioni maxime intentus, à Paulo Papa III. suppliciter petijt, vt ex Ignatij focijs; quos sanctitatis, & doctrinæ fama ad eam expeditionem aptissimos iudicabat, aliquos sibi mitteret, qui Euangelium vastissimis illis in prouincijs promulgarent.

In quam rem Ignatius, cui Summus Pontifex

fex negotium commiserat, Franciscum nominavit: qui Apostolici Nuncij dignitate, ac potestate à Pontifice instructus, Indiæ Apostolus iuxta sororis vaticinium à Deo electus, sine mora proficiscitur: eaque sanctitatis, & Apostolici ardoris signa exhibuit in Lusitania, ut communi omnium voce Apostolus dictus sit. quod nomen non solum ipse dum vixit, & post obitum obtinuit; verum in illius memoriam, ac venerationem, quâ Lusitanum imperium per Europam, Africam, Asiam, & novum patet orbem, omnes de Societate IESU Apostoli nominantur. tantum enim fidelis Dei servus apostolicis factis, & sanctitate promeruit, ut non solum sibi gloriosum nomen, sed suis etiam comparauerit.

Ex Lusitania in Indiam soluit: nec ullis regij Prætoris precibus adduci unquam potuit, ut viatici nomine aliquid acciperet præter vilem centonem. Mendicando victum quærebat in naui: in publico dormiebat, nautico fune pro lecto utens: ægrotis omni ope semper præsto erat; illis cibos, si indigerent, non solum à ditioribus procurabat, sed propria etiam manu, & industria parabat, ac diuidebat, non veritus etiam illorum vestes lauare, aut aliquod officij genus, quamvis vilissimum. illis exhibere; in quibus  
 pru-

prudens Christi seruus ipsum Christum semper agnouit, & veneratus est. Vt sacramenta illis ministraret, periclitantibus adesset, & mœrentes solaretur, totas noctes vigilabat indefessus, diebus in summo labore, & oratione transactis. vnde aliqui dicere soliti sunt, Francisci delitias esse præter orationem, ægrotis inferuire. Quod viuendi institutum non solum in hac, sed in omnibus nauigationibus, in quibus deinceps magnam vitæ partem posuit, constantissime retinuit. Nec solum in mari eius charitas ita in pauperes, & ægrotos eluxit, sed dum in vrbibus moraretur, nihil ab hoc instituto vnquam remisit. Quin omnibus omnia factus, vt Christo omnes lucrificeret; reliquos homines, qui vel propter pinguiorem fortunam, vel propter valetudinem ea opera non indigebant, alijs non minoribus officijs profecutus semper est; nulloque vnquam labori pepercit, quo proximorum saluti prodesse posset.

Indiam vt attigit post tam longam nauigationem, quæ annum tenuit, curando corpori nullum tempus dedit; sed ignem, quem in illas prouincias mittere venerat, statim cœpit spargere. Pueros, ac rudem plebem per urbem tinnabulo vocabat, cogebatq. in aliquam Ecclesiam,

siam, in qua omnes doctrinam christianam, edocebat ea spiritus efficacia, vt altissimè in omnium corda penetraret, veluti doctrina ipsa Apostolorum. Orationes per plateas, ac domos vt decantarent, omnibus persuasit, & in domibus suis familiaribus eas traderent. Quis ab eo inductus, hodie in India; magna Dei gloria, perseverat.

Adultos ad confessionem, ac pœnitentiam peccatorum, christianæque vitæ sanctitatem omnibus officijs inuitabat. ethnicos ab idolorum seruitute ad veram filiorum Dei libertatem indefesso studio, & per aperta vitæ discrimina vocare nusquam destitit, in ignotas, & abditas penetrans prouincias, nudis sæpe pedibus, laceris vestibus, & mendicis. Qua in re ita serui sui conatibus Deus adfuit, clarissimis, & Apostolorum similibus miraculis sermonem illius vbique confirmans, & interius auditorum corda mouens: vt multa centena hominum millia ad fidem conuerterit, & baptizauerit, multos vitiorum cœno pertinaciter immerfos, magnis ad id susceptis peregrinationibus, navigationibus, & corporis afflictionibus, extraxerit.

Multa sunt Regna, Prouinciæ, & Insulæ, per quas Cæli, ac Romanæ Sedis Nuncius verbum

Dei

Dei seminavit. Tandemque dum aditum Evangelio quærit in vastissimum Sinarum imperium, laboribus supra humanas vires pro Dei gloria fractus, & cælesti Christi videndi ardore extenuatus, in Sanciano deserta insula ad patriam, & nuptias Agni euocatus fidelis servus, in gaudium Domini introiuit.

## DE VIRTVTIBVS.



POSTOLICI huius viri clarissimarum virtutum insignibus excellens sanctitas per RR. PP. Rotæ Auditores firmata, & per Sacram Rituum Congregationem legitimè comprobata, aperte ex dicendis manifestatur.

## DE FIDE.

**F**ides in excellenti gradu in eo floruit; quam non solum per Sacramentorum deuotam susceptionem, & indefessam ministrationem, professus est: sed heroicis etiam operibus; susceptis ad eam prædicandam per barbaras, & ignotas prouincias, ac maria magnis peregrinationi-

tionibus & nauigationibus. per aperta vitæ pericula, & sine vlllo humanæ opis auxilio; exprimens in se ipso Euangelicæ doctrinæ, quam prædicabat, puritatem, & sanctitatem. Attulitque eius fides in millia millium per vastas illas prouincias propagata; & allatura in posterum est fructum benedictionis in horrea Domini. Ex quibus rebus ea virtus eminenter in illo clauisse patet.

## D E S P E.

**F**Irmissimam habuisse spem planum est, cum in eo omnia illa abundanter concurrere probentur, quæ cum tali spe indissolubili nexu sociantur: nempe Despectus temporalium rerum, voluntaria ærumnarum Perpeffio, Aggressio difficilium, Securitas in periculis, Gaudium in aduersis. Nam Despectus temporalium apparet, quòd spretis mundanis honoribus, diuitijs, feudalibus castrorum successionibus, dignitatibus, & commodis humilem vitam, religiosamque paupertatem sub obedientia in viridi ætate est amplexus. Quo ad voluntariam ærumnarum Perpeffionem; euidentissime constat illa: quia cunctis reiectis commodis, ærumnas

nas plurimas, maximosq. labores propter Christum voluntarie suscepit, ut inferius suo loco designabitur: ita ut quanto maiores illius fuerunt labores, & grauiores æumnæ, tanto etiam in eo feruentiorem spem fuisse affirmandum sit. Quo ad Aggressionem difficilium, illam docent plurima ardua, difficilia, & humanas vires prorsus excedentia, quæ toto vitæ cursu perfecisse, probatur; inter quæ vnum tantum, ne longior sim, narrandum censui. videlicet admirabile illud: quòd, cum magnis itineribus per montium cacumina numerosus Badagarum exercitus in Regnum Trauancoridis, atque Promontorium Comorini furens excurreret in ruinam Christianorum, quos ipse baptizauerat; Xauerus solus, inuictæ in Deum fiduciæ clypeo tectus, obuiam barbaris processit, militesque seuerè increpauit. Stetit illico exercitus immobili vestigio, nec progredi vltius potuit. quin etiam ducibus pergere volentibus respondebant milites, progredi se nequaquam posse, & cernere è regione astantem cum Xauerio virum quendam magnum, & maiestate terribilem, nigra veste indutum, qui eos terrebat: neque ardorem ex vultu atque oculis emicantem ferre, se diutius posse. Quod cum ipsi etiam duces experi-

experirentur; retrocessit totus exercitus, atque ab incepto destitit; victorque Xauerus Christianos, quos Christo pepererat, à cæde, & rapinis liberauit.

Aggressionem difficilium ostendunt etiam cum admiratione tot peregrinationes susceptæ ad infideles populos, incognitos, & barbaros cum aperto vitæ periculo, solo studio diuinæ gloriæ propagandæ. Securitatem in periculis in illo floruisse certissimum est, cum probetur sine cura fuisse in medijs curis, & sæpius sine metu fuisse imminente naufragio, securum ingruentibus hostibus, securum in infirmitatibus ipsis: ita vt firma spes in Deo, quæ in illo vigeat, certam securitatem in periculis ei præstaret non secus, quàm anchora naui in fluctibus præstat; & in Domino confidens nihil timeret, possetque cum Dauide canere: *Si exurgat aduersus me prælium, in hoc ego sperabo.*

Postremo quoad gaudium in aduersis, illud eminenter probat continua hilaritas animi, promptaque voluntas, quibus non solum sine morore, sed cum Apostolo ad Rom. 5. glorians in spe filiorum Dei, tot labores, & ærumnas, ac pericula, & aduersa passus est, iustè, ac piè viuens in hoc sæculo, expectans beatam spem, & aduentum



tum magni Dei, qui seruum, quem vigilantem, & laborantem cum gaudio inuenerit, ad gaudium vocat æternum.

## CHARITAS.

**C**haritatem, virtutum præstantissimam, Seruum istum Dei habuisse in eminenti gradum erga Deum, quàm erga proximum, euidenter probatum est.

### DE CHARITATE IN DEVM.

**N**am quoad Deum, Charitatem illius ostendit exacta obseruantia mandatorum ipsius etiam Dei, & Domini nostri Iesu Christi approbatione, qui dixit Ioan. 15. *Qui habet mandata mea, & seruat ea, ille est, qui diligit me.* Quàm exactè verò fidelis iste seruus Domini mandata seruauerit, colligitur ex puritate conscientiæ, ex assidua meditatione diuinæ legis, ex horrore cuiusque etiam leuissimæ transgressionis, ex studio quod adhibebat, vt ab alijs diuina præcepta seruarentur, ex voluntaria paupertate, castitate, & obedientia: in quibus tantum excelluit, vt non solum is, qui ex ad-

B uerso

uerso est, nihi habens de illo dicere, obmutesceret; sed omniū lingua, ac vocibus, tam à christianis, quàm ab idololatrīs non nisi Sanctus communiter diceretur. quæ fama non nisi exactissima diuinæ legis obseruatione colligi potest.

Probant eandem charitatem frequentia, & familiaria colloquia, quæ longa, & quàm assidue cum Deo habebat. in quibus Dei amore, taliter incendebatur, vt sæpe vultu inflammato, oculis ad cœlum affixis, diuinitus à terrâ eleuaretur: quasi in cœlum, vbi erat illius thesaurus, & propterea cor, etiam corpus raperetur. & sæpè non valens resistere abundantiae dulcedinis diuini amoris, clamauerit: **SATIS EST DOMINE, SATIS EST.**

Ostenditur eadem Charitas per extinctionem timoris in subeundis periculis, & arduis operibus aggrediendis amore Dei. nam perfecta Charitas foras mittit timorem. ille verò tantum absuit à timore, vt propter Deum non timuerit naufragium, peregrinationes per inuia, & deserta loca non formidauerit, nec feros ethnicorum mores expauerit; quamuis ab omnibus vno consensu exitium sibi imminere denunciaretur. Nec minus elucet eius eximia in Deū Charitas ex contemptu rerum humanarum, & mortis;

qui

qui in tota huius Serui Dei vita ita elucet, vt verè cum Apostolo posset dicere : *Quis nos separabit à Charitate Christi ? tribulatio ? an angustia ? an fames ? an nuditas ? an periculum, &c. in his omnibus superamus propter eum, qui diligit nos.*

Nec minus eandem testabatur Charitatem, continuò de Deo meditando, dulces de illo sermones habendo, cunctos ad illius amorem hortando . iaculatorias orationes ex inflammato pectore etiam in medijs turbis emittebat tanta dulcedine ; vt audientes ad Dei amorem accenderet : quin & dormiens in has voces frequenter erumpebat . MI IESV , DVLCIS IESV : non solum in vigilia, sed in somno IESVM in ore, & corde habebat . quod ardentissimæ charitatis signum est clarissimum .

## DE CHARITATE IN PROXIMUM.

**C**haritas verò in proximum feruentissima in eo probatur non solum ex præmissis de Charitate erga Deum : sed etiam ex pijs operibus, in quibus se continuò exercuit, seruiendo ægrotis hospitalium locorum, illis cibum proprijs manibus ministrando, sordes illorum purgando, lectulos versando, & sternendo . *fini*

amplexuq. fouebat quantumuis vlcerosos, & tabidos; cum illis crebrò pernoctabat; extremum agentibus spiritum assistebat; mortuos abluebat, & sepulturæ tradebat; omniaq. alia quantumuis vilia seruitia, & charitatis officia eisdē præstabat indefessus Dei Seruus, omnibus omnia factus.

Nec minus eadem Charitas in proximos colligitur ex beneficentia, qua maximè eluxit in pauperes, illis non solum quæ habebat benignè diuidendo: sed etiam ab alijs; vt illis daret, sæpissimè ostiatim postulando: omnia in egenos, & desolatos distribuendo tanto amoris sensu, & voluptate; vt non solum Pater pauperum communiter diceretur: sed etiam illius delicias pauperes esse, & orationem permulti affirmauerint. Eximia pietate fuit erga carceratos. illos crebrò visitabat, verbis consolabatur, cibo potuq. reficiebat, spirituali alimonia confirmabat, causamq. illorum, quantum modestè poterat, agebat. idque tam sedulo, vt sæpissimè domum rediret post occasum solis; quin tam longa sentiret ieiunia, cuius potissimus cibus erat Christi voluntatem facere.

Ardentem etiam Charitatem in proximos probauit per tantum tempus pueros christianæ fidei elementa docendo; rudibus adultis christianam legem vberius explicando; peccatores omni

conatu

conatu ad officium reuocando; infidelibus discussis errorum tenebris Euangelicam lucem aperiendo; vehementissimo zeló animarum, quo semper flagrasse ostendunt satis quæ hæcenus diximus, & alia charitatis officia; quibus nil aliud quærebat, præter animarum salutem; quas ita diligebat; vt sanguinem pro illis dare paratum se esse ostenderet ipsis periculis, & laboribus, quos intrepidus ob illarum salutem aggrediebatur, armatus Domini exemplo, qui *Prior dilexit nos, & lauit nos à peccatis sanguine suo.*

## DE ORANDI STUDIO.

**H** Abuit hic Seruus Dei eminenter orandi studium, quod charitatem indiuiduè comitatur: cum nemo amet, qui non cupiat cum eo esse, & agere, quem amat; cumque per orationem cum Deo simus; & agamus. Excelluisse igitur illum tam in vocali, quàm in mentali oratione probatur, non solum ex frequenti assiduitate, sed etiam ex feruenti efficacia, & delectatione, quibus orare solitum fuisse constat. Tantum enim ei cordi fuit assidua frequentia, orandi; vt nullæ difficultates, nullæ occupatio-

nes, nulla negotia quamuis ardua, nullumque, tempus illum ab ea retrahere possent, vbicunq. locorum esset. quòd si aliquando solitum, & præfinitum tempus orandi, & meditandi propter occupationes, quas Ecclesiarum sollicitudo, & proximorum amor ingerebant, defluxisset; aliud pro illo reponebat: & cum aliter non posset, illud nocturnæ quieti subtrahebat; noctes integras subinde orationi dans, vel maiorem illarum partem. Sæpiusque obseruatum fuit, post graues, & multiplices diurnos labores à media nocte, vsque ad lucem orasse, Christi exemplum secutum, qui pernoctabat in oratione Dei; immo in medijs etiam ipsis tempestatibus nihil commotus animo orationem continuabat. De nocte surgens in hortis domorum Societatis deprehensus fuit sæpe; vbi libero, & fulgenti cælo fruens totus in contemplationem diuinæ pulchritudinis rapiebatur: & vt diutius hoc potiretur bono, binas tantum, vel ad summum ternas horas quieti dabat; vt reliquum temporis meditando, orandoq. consumeret.

Feruens autem efficacia cum delectatione in orando satis demonstratur, tam ex prolixitate orandi per integras noctes, vt supra; quàm ex illius externa facie, ex qua in ipso actu ardor  
 oran-



orantis ità apertè emicabat; vt totus cœlesti quodam igne exardesceret, ac in præsentēs quoque flammās pietatis emitteret; qui illius aspectu ad pietatem, & Dei amorem accendebantur. Illam etiam probat extasis, quam patiebatur orans, & missam celebrans; ita vt planè à sensibus abstraheretur, nec ministrum vestem identidem succutientem aduerteret, nec ad se rediret nisi post horam. Orando talibus affluebat gaudijs; vt vix illis ferendis mortale pectus sufficeret: & ob id auditus sæpe fuit dum secreto oraret dicens: *Non plus Domine; satis est Domine;* & similia, de quibus iam diximus.

## DE HUMILITATE.

**H**umilitatis dono, Sanctitatis fundamento, amplissime ~~dotatum~~ fuisse ostenditur; cum in interna, & externa mirificè excelluerit.

Ac primo demississimè de se ipso sentiebat, se vilissimum omnium, & peccatorem maximum reputabat; omnibus inferiorem se esse affirmabat; & nihil erat tam vile, & abiectum, quo se dignum non putaret; nihil honorificum, quo se indignum non iudicaret; ita vt nulli præesse vellet, sed omnibus subesse cuperet, om-

nesque propterea vt superiores reuereretur.

Secundo eandem probauit humilitatem honorifica quæque penitus spernendo, ad suas laudes, non secus ac alij ad probra, erubescens. si quid esset vnde laus ipsi aliqua posset peruenire, vt in faciendis miraculis, studiosè id factis, & verbis cœlabat, & sociorum, aliorumque meritis, & intercessionibus adscribebat.

Auctoritatem amplissimam Legati Apostolici, qua instructus in Indiam missus fuerat, non solum non iactauit: sed data opera texit, quasi gladium in vagina: adeo vt per decem annos nemo illum Nuncium Apostolicum sciuerit, præter Episcopum Goanum: nec nisi semel, ultimo quasi remedio ad Dei gloriam procurandam, ea potestate vsus est, re prius cum Episcopo Goano communicata, & illius permissa arbitrio.

Eadem humilitas ostenditur ex propria sui abiectiōe: nam Christum imitatus, cum diues esset, omnium egenus fieri voluit; & dum lautè ex suo posset, ex alieno precariò victitare maluit, abiectissimo vestitu semper vsus. Pater etiam ex quotidianis exercitijs, & actionibus, quibus sollicitam operam præstitit tam in Indica nauigatione, quàm in domibus hospitalium Indiæ, viliora quæque ministeria, vt iam dictum est,



est, hilariter & sponte eligendo: ex humili reuerentia ostenditur; qua semper veneratus est Episcopus, Sacerdotes, & superiores quoscumque adeo ut, cum B. Ignatio suo superiori scriberet, nonnisi genibus flexis scriberet reuerentiæ causâ. Multaque sunt alia, ex quibus planissime colligitur, Christi vestigia Xauerium fuisse secutum, qui de se dixit: *Mitis sum, & humilis corde.*

## DE PAUPER TATE.

**P**aupertatem Euangelicam, quam vouit, perfectissimè ab illo seruata fuisse demonstrat ratio vitæ, quam semper seruauit in victu, vestitu, suppellectili, itineribus, habitatione. Victus namque fuit parcissimi; non eo solum, ut corpus affligeret: sed etiam, ut voto paupertatis satisfaceret; utque verum pauperem ageret, quodcumque sibi ab alijs ultro subministrabatur, & ea quæ solitus erat ipse per se mendicare, alijs pauperibus distribuebat, contentus ipse quolibet vili cibo, & pane obuius: ut latius dicemus dum de pœnitentia agetur.

In vestitu verò non minus tenax paupertatis apparuit. erat enim plerumque attritus, refectus,

tus, & assumentis varijs interfectus; in summa, optimarum vestium copia, quæ certatim illi ab omnibus offerebantur.

In suppellectili præterea eius paupertas valde resplenduit. Eius in cubiculo nihil aliud elucebat, nisi ipsa paupertas: nudi namque erant parietes: lectulus potius ad arcendum somnum aptus; quàm ad conciliandum, ut pote sine culcitra, sine lodicibus, vilibus tantum stragulis, duro ceruicali adiuncto: & præter ista non aliud quidpiam erat in cubiculo, quàm pauci libri sibi, vel alijs necessarij.

In itineribus conficiendis, quæ tam longa, tam multa, tam difficilia fuere, tot longinquis peregrinationibus in ultimas terras susceptis, studiû paupertatis suum maxime probavit; nullo alio vectore, quàm baculo pro equo, & vehiculo usus est, pedes semper incedendo, & non raro sine calceis, sine alio tegumento plantarum. Viaticum non in pera, & sacculo, sed in Dei benignitate, & aliena pietate repositum habebat; nullum secum ferre solitus; nisi ubi per deserta, & inuia loca esset incedendum; & tunc nil aliud parabat quam cibum castrensem, & castigatissimum. Et in toto longo, ac impedito itinere, Meacensi assa tantum victitavit oriza. Nec viatorix

toriae vestes luculentiores erant, quàm cibus. adeò pannosus se in viam dabat, vt aliquando pueris ridiculo esset. E Lusitania in Indiam soluens, precario semper in naui victitauit: nec ab illo instituto precibus Regij Pratoris vllatenus abduci passus est. Idem institutum in navigationibus reliquis seruauit: nunquam aliò diuertere solebat; quàm in publicas domos hospitalium: vt quemadmodum precario vefcebat: ita mendicato hospitaretur. hoc in Italia, hoc in Lusitania, hoc in India semper præstitit.

## DE MORTIFICATIONE, ac Poenitentia.

**M**ortificationis studium, & opera poenitentiae in eo tales fuisse constat; quales ad insignem, & excellentem requiruntur sanctitatem.

Primo, eximia fuit in eo abstinencia cibi; cum non solum carnis, & vini; sed etiam panis triticei vsum procul à se abdicauerit. In priuata domo, & quoties apud alios non vesceretur; de industria insulsis, & vilibus utebatur cibus, ac parcissimè.

Secundo, manifeste colligitur ex maceratione

ne

ne carnis. corpus enim frequentissime flagellis  
 cædebat, quandoque æneo filo contextis; quæ  
 etiam ferreis punctis, & stellulis de industria,  
 exasperabat; ita vt sanguinem copiosè profunde-  
 ret. Somno nonnisi breuissimo corpus recrea-  
 bat, incommodè vel humi, vel fune nautico ia-  
 cens, vel lectulo vilibus stragulis, vt supra dictum  
 est, parato: reliquum noctis orationi, & con-  
 templationi dabat, vel ægrotis visendis. Quin-  
 extra solitum suum longe plura, & maiora pœ-  
 nitentiæ opera exercebat. sæpius namque per  
 plures dies ab omni cibo abstinuit: & aliquando  
 à Dominica passionis vsque ad Sabbatum ma-  
 ioris hebdomadæ: sæpe per biduum, vel tri-  
 duum, quandoq. per quatuor totos dies, præfer-  
 tim in principio suæ conuersionis. quando etiã,  
 vt doloris sensu magis cruciaretur; funiculis sibi  
 adeo arcte coxendices, & lacertos constrinxit; vt,  
 cum plures dies eo in cruciatu iter agendo per-  
 seuerasset, animo repente destitutus præ doloris  
 magnitudine in media via conciderit: vinculis  
 in carnem tam alte depressis, vt medici vulnus  
 insanabile iudicauerint: actumque de eius vita  
 esset: nisi miraculose vincula rupta fuissent sine  
 ope artis humanæ.

DE

## DE FORTITVDINE, ac Magnanimitate.

**F**ortitudine, Magnanimitate, & Patientia in laboribus tolerandis, & superandis heroice, & insigniter à Deo dotatus fuit. mundum vicit sui ipsius abnegatione: Christum secutus, honores, & dignitates sibi oblatas spreuit constanter: vitam religiosam, vilem, & pauperem elegit, & fortiter retinuit: eluxitque sæpe eius animi fortitudo, quòd plagis, & pustulis pauperum mendicorum lauatis, aquam ipsam qua illas abluerat, non semel biberit.

Nec solum tam gloriosa de se ipso victoria eius emicuit inuictus animus: sed etiam in agrediendis rebus arduis propter Dei amorem, & in superandis difficultatibus. Longinquas regiones, ac prouincias adiit, vitæ spreto periculo: nec barbarum, & efferum in hospites incolarum ingenium timuit ad christianam mansuetudinem inuitare, à quibus sibi mortem paratam esse audiebat. Ab anno millesimo quingentesimo quadragesimo primo, quo in Indiam nauigauit vsque ad annum millesimum quingentesimum quinquagesimū secundum, quo diem clausit exte-

tre-



tremum , multas diuersarum nationum , & linguarum prouincias prædicandi Euangelij causa peragrauit ; contractis etiam ob assiduos labores morbis grauiissimis : sæpius naufragium passus est : æstus , frigoris , nuditatis , vigiliarum , sitis , famis incommoda diutissimè sustinuit . nudis pedibus inter vepres , & sentes longissima itinera perfecit . contumelijs , probris , irrisiõibus , & omnis generis illusionibus , & iniurijs appetitus : verbera insuper , lapidationes , ac sputa passus , omnia semper non solum æquo animo , sed sibi plaudente , illius verè discipulus , qui Apostolis dixit . *Cum vos oderint homines , & cum separauerint vos , & exprobrauerint , & eiecerint nomen vestrũ tanquam malum propter filium hominis : gaudete , & exultate : Deoq. propterea in omnibus gratias hilari , & humilis agebat ; & pro illusoribus , ac persecutoribus deprecabatur .*

## DE FAMA SANCTITATIS, & nomine Apostoli.

**P**ropter hæc non immerito , Beatissime Pater , non solum vastissimas Orientis prouincias ; sed Occidentis etiam eximia sanctitatis fama viuis , & mortuis compleuit .  
vnde

ynde non alió nomine etiam viuus communi-  
ter vocabatur, nisi Sanctus, tam à Christianis,  
quàm ab infidelibus: qui omnes in angustijs il-  
lum etiam absentem inuocabant; illi ægros, ac  
mortuos offerebant, vt sanitatem, & vitam re-  
stitueret: & quicquid illius habere poterant re-  
ligiose asseruabant.

Mortuus, omnium prædicatione, est celebra-  
tus. Corpus eius Malacæ, & Goæ eximia vene-  
ratione exceptum est tanto populorum concur-  
su; vt, cum primum Goæ expositum fuit, per  
multos dies cancellis, lictoribus, armato milite  
concurfus fuerit compescendus. qui vsque ad  
hanc diem maximus est, confluentibus ex tota  
India multis cuiuscunque conditionis, sexus, &  
ætatis ad eius sepulcrum: vt testantur vota solu-  
ta, tabellæ appensæ, & peregrinationes solem-  
nes. vestes, superpellicium, & alia, quibus  
usus est, pro reliquijs religiosè venerantur om-  
nes; multaue propterea, ac magna à Deo be-  
neficia comparant. loca etiam, quibus ille ali-  
quando diuersatus est, piè ab omnibus religiosa  
frequentia coluntur.

Imagines ipsius tam publice, quàm priua-  
tim deuote à populis visitantur, & coluntur. &  
in promontorio Comorini in Ecclesia Cottatæ  
illius

illius imago in tanta veneratione est; vt ethnici, & fideles propterea ad ecclesiam illam religiosè peregrinentur; nec alio nomine illam appellent nisi ecclesiam magni Patris; donaria illi offerunt, vota soluunt, ac beneficia à Deo illius intercessionem postulant, & non vulgaria singulis diebus obtinent. Tanta veneratione christiani, & ethnici oræ Trauancoridis propè promontorium Comorinum colunt, & venerantur Xauerium: vt, cum in interioribus locis dictæ oræ duodecim ecclesiæ fuerint destructæ, & nunquam deinceps renouatæ: solum ecclesia, vbi est posita imago illius, hucusq. intacta persistat.

Accedit illustre testimonium præcipuorum ætatis nostræ scriptorum de insignibus virtutibus huius eximij viri, & de opinione sanctitatis, quam habet in toto orbe christiano. quadraginta sunt, fermè omni exceptione maiores; vtpotè Cardinales, Episcopi, Sacerdotes, Religiosi, Iurisconsulti, aut alia prærogatiua insignes; qui singulare testimonium de eius sanctitate protulerunt; omnes ordinatim nominati in iam dicta relatione Auditorum Rotæ.

Concurrit vehemens desiderium, & summa expectatio totius vbique Ecclesiæ ob continuatam perseuerantiam prædictæ opinionis sanctitatis,



tatis, quæ non solum eius morte latius propagata est; sed in dies magis, ac magis propagatur.

Postremò superadditur honestissimus titulus Apostoli; quem summo consensu Hispaniarum populi, & Indiæ illi detulerunt: apud quos non alio appellatur nomine, nisi Apostolus. quod non solum mirabili præfagio Mariæ Magdalene eiusdem Xauerij sororis natu maioris (de quo supra egimus) verum insigni miraculo Christus illi confirmasse videtur: cum illum, linguarum dono exornauit, quo Apostolos ad prædicationem Euangelij instruxit.

## DE DONO LINGVARVM.

**D**iuersarum namq. gentium linguis, quas non didicerat, cum eas Euangelij causa adiret, ita eleganter, & expeditè loquebatur, ac si ibi natus, & educatus esset: & contigit non raro, vt eum concionantem diuersarum nationum homines, sua quisq. lingua planè, & politè loquentem audiuerit. id quod pro maximo miraculo ab ea gente habitum, non solum auxit venerationem Xauerij; sed multos etiam ad fidem conuertit. Vult enim Deus, qui illum ad prædicationem Euangelij in illis prouincijs

C      segre-

fegregarat; vt, ficut in cæteris apostolicum spiritum acceperat: sic etiam dono linguarum, Apostolis similis esset: & vt non solum spiritus feruore eximio; sed etiam varijs linguis magna-  
lia Dei vbique loqueretur.

## DE GESTIS IN CAUSA:

**Q** Vibus sic summatim relatis de vita, heroicis virtutibus, & actionibus huius Serui Dei Xauerij.

Ad secundam partem circa res ordinatim gestas in huiusmodi causa deueniendo iuxta præmissum ordinem, Sanctitati Vestræ exponitur; qualiter anno à Xauerij obitu sexagesimo; cum fama Sanctitatis, & miraculorum vndique in ore Christiani populi celebris esset: placuit fel. rec. Paulo Quinto ad preces Societatis IESV committere DD. Cardinalibus Sacræ Rituum Congregationi Præfectis; vt super recognitione, processuum per ordinarium Indiarum, Goæ, Coccini, Bazzaini, & Malacæ ad instantiam, Ioannis Lusitanæ Regis, vt dictum est, fabricatorum; ac super fama sanctitatis, & miraculorum, ac populorum deuotione in genere inquirerent, & referrent: an talia viderentur, vt ad  
specia-

specialem inquisitionem procedendum foret, quæ Sacra Congregatio, annuente eodem Paulo Quinto, sub die vigesima Martij anno millesimo sexcentesimo decimo deputavit bon. mem. Cardinalem Pamphilium: qui auctoritate Apostolica, ac eiusdē Sacræ Congregationis Rituum nomine per se ipsum, vel aliquem Prælatum, seu Prælatos ab ipso eligendos in Vrbe, cum notarij deputatione, prædicta omnia perageret. qui Cardinalis, electo prius Nicolao Rogeto in notarium, ad omnia prædicta absoluenda deputavit Rotæ Auditores, Horatium Lancellottum deinde Cardinalem, in cuius locum subrogatus fuit Ioannes Baptista Coccinus eiusdem Rotæ Decanus; Franciscum Sacratum tunc Archiepiscopum Damascenum, modo ob eius insignia in Ecclesiam merita Cardinalem; & Io. Baptistam Pamphilium: coram quibus exhibitis per legitimum procuratorem articulis, super generali inquisitione famæ sanctitatis, & miraculorum Xaverij, examinati fuerunt duodecim testes, cum interrogatorijs; & seruatis alijs de iure seruandis.

Mortuo Cardinali Pamphilio eadem Sacra Rituum Congregatio sub die prima Septembris subrogauit Cardinalem Lancellottum: à quo

C 2 depu-

deputato Ioanne Vifeto notario in locum Nicolai iam defuncti; productisque processibus huius causæ informatiuis, illisque fideliter interpretatis à deputato interprete, & in forma recognitis: absoluta quoq. generica informatione Romæ vt supra, sumpta: eadem Congregatio referente eodem Cardinale Lancellotto decreuit, sufficenter, & abundanter constituisse de fumo sanctitatis, vitæ, morum, & miraculorum, ac populorum deuotione erga Seruum Dei Xauerium: proinde posse ad specialem inquisitionem procedi.

Vnde idem Paulus Quintus per speciale rescriptum commisit eisdem tribus Auditoribus; vt causam huiusmodi reassumentes, omnia acta, & processus viderent; noua iura in Curia, & extra compulsarent; nouos etiam testes interrogarent; litterasq. remissoriales, & compulsoriales, prout opus esset, decernerent, & relaxarent: prout præuijs legitimè productis articulis, pro speciali inquisitione decretæ, & relaxatæ fuerūt ad Archiepiscopū Olysiponen. ad Episcopos Pampilonen. Baionen. & Iacen. pro Ciuitate Pampilonæ; ad Archiepiscopum Goanum, seu eius Vicariū pro Ciuitate Goæ in India; ad Episcopum Coccinensem, seu eius Vicariū in India pro Ciuitate Coccini; ad Episcopū Malacensem, seu eius Vicarium  
pro

pro Ciuitate Malacæ item in India.

Quibus litteris sic expeditis, dum in partibus executioni mandantur: fuerunt hic Romæ ab eisdem tribus Auditoribus alij examinati testes super articulis in specie, ipsis prius citatis, & cum interrogatorijs, & alijs de iure requisitis.

Transmissis deinde ad urbem processibus remissorialibus, & compulsorialibus; qui vigore dictarum literarum in partibus fabricati sunt, illisq. per fidelem portitorem consignatis, ac per deputatos ab Auditoribus fideliter interpretatis, productis, & recognitis; instante procuratore Societatis IESV, nomine etiam Serenissimi Hispaniarum Regis, & aliorum multorum Principum, & totius Indiæ Cleri; vt ad vltiora procederetur: tres Auditores prædicti visis omnibus, & singulis processibus iam dictis, illisq. maturè discussis, & examinatis: in pluribus Congregationibus, singillatim singulos legitimos, & legales, testesque in illis contentos rite, & recte examinatos, ac esse in forma probanti, declararunt: & examinatis virtutibus, & actionibus per particularia dubia cum longa temporis maturitate; causa demum instructa iuxta canonicas sanctiones, de sanctitate, ac excellentia vitæ, ac miraculis constare censuerunt: suamque su-

per præmissis relationem fecerunt eidem fel. rec. Paulo Quinto. quam relationem V.S. mensibus elapsis ad eandem Rituum Congregationem discutiendam remisit.

Nos vero, Beatissime Pater, relatione Auditorum Rotæ accepta, & super illa pluribus habitis sessionibus, diligenter, & accuratè discussis eorundem Auditorum assertionibus, & conclusionibus, vnanimi voto censuimus: omnes supradictos processus authenticos, & validos esse: prout etiam censuimus, probationes in illis processibus contentas, super sanctitate, excellentia fidei, & præclaris miraculis Serui Dei Francisci Xauerij fuisse legitimas, & sufficientes. Quæ si Sanctitas Vestra talia esse statuatur, vt ad Canonizationem sufficere videantur: quæ supersunt tertio loco dicenda, de miraculis in particulari breuiter prosequar.

## DE MIRACVLIS.

**E**X multis miraculis, quæ in processibus continentur in vita, & post mortem à Seruo Dei Xauerio patrata, pauca hæc collegimus.

## DE MIRACVLIS IN VITA

1. *Aqua maris salsa facto signo crucis efficitur dulcis.*

Cum Pater Franciscus Xauerus ad Sinas contenderet in magna naui Sanctæ Crucis, in qua quingenti erant vectores, cessantibus ventis tanta fuit malacia; vt per quatuordecim dies eodem hære loco naui coacta fuerit: neque in illa maris vastitate vllus locus, vel insula appareret, vnde possent auxilium petere: propterea aquæ penuria ita laboratum est; vt præ siti multi iam ex vectoribus morerentur. Adeunt igitur omnes Xauerium, & enixè petunt; vt tanto malo opem ferat: ille post longam orationem benè in primis sperare iussit de diuina prouidentia, eos non esse perituros certo affirmans. deinde ~~vocato~~ nauarcho, & nautis, reliquisque vectoribus; iubet illos sumere aquam ex mari, atque dolia, vrnas, ac vasa omnia naui impleri, quam cum degustassent salسام repererunt. tunc Xauerius eleuatis in cælum oculis, magna in Deum fiducia, facto signo crucis aquam maris, quam in vasis illis collegerant, benedixit, & præcepit, vt iterum degustarent: cui obtemperantes aquam illam dulcissimam, & optimam



repererunt . quo miraculo vectores Xauerium sanctum acclamarunt : & Mahometani aliquot, qui aderant, cum vxoribus fidem receperunt, aquam deinde illam , quæ abunde superfuit ex nauigatione, in varias prouincias, & vrbes Indiæ distribuerunt : qua multi ægroti sanitatem miraculose receperunt .

## *II. Puer mortuus ad vitam reuocatur .*

Puer quidam pestilenti feбри correptus Mutano in oppido Indiæ Orientalis ; veste funebri, hoc est sindone, de more illius gentis obuolutus, & confusus per vigintiquatuor horas asseruatus, sepulturæ mandandus efferebatur magno parentum eiulatu . occurrit Xauerius , qui tunc in eodem oppido operam nauabat conuertendis ethnicis , & erudiendis in fide christiana ijs , quos baptizauerat : itaque parentum orbitatem miseratus, genibus flexis, & oculis ad cælum eleuatis, Deum orauit pro pueri vita, & corpus aqua benedicta asperfit : deinde iussit funebrem vestem rescindi ; & cum cadauer appareret, cruce illud signans, atque manu apprehendens, in nomine IESV viuere iubet, & statim puer surrexit viuus, cumque sanum , & viuentem parentibus tradidit .



dit . & in memoriam , & honorem huius miraculi eo in loco crux ab incolis erecta fuit magna omnium celebritate .

*III. Mortuus, qui per diē fuerat sepultus, suscitatur.*

Cum Seruus Dei in promontorio Comorino concionem ad populum haberet in ecclesia , in qua die præcedenti sepultus fuerat quidam defunctus : ipseque Xauerus difficultatem magnam pateretur in conuertendis ethnicis , qui aderant : orauit aliquantulum pro eorum conuersione ; & peracta oratione , vt ad Christum , illos adduceret ; iussit sepulcrum , in quo cadauer defuncti iacebat , aperiri ; & populo significauit, placuisse Deo , iterum mortuum illum ad vitam reuocare , vt ipsi conuerterentur : patefacto igitur sepulcro, & rescissa veste funebri , qua defunctus erat inuolutus, apparuit cadauer . tunc verò oratione à P. Francisco pro vita illius Deo facta , statim surrexit viuus . quo viso miraculo vehementer omnes admirati sunt , Deum laudantes , & admirantes Xauerij sanctitatem , & infideles illi , atque multi alij propter hoc miraculum christianam fidem susceperunt , & baptizati sunt ab eodem patre .

*Dum*

*IV. Dum Missam celebrat altius cubito  
à terra eleuatur.*

Dum Xauerus Teuanapatano in portu oræ Coromandellis, & alijs etiam in locis Indiæ Orientalis Missæ sacrificium celebraret: visus est ab vniuerso populo, qui aderat Missæ, altius cubito sustineri diuina vi sublimis à terra. Quam rem omnes habuerunt pro miraculo, & dono particulari Xauerio concesso: eumque deinceps, vt virum sanctum venerati sunt; credideruntq. famæ, quæ de illius sanctitate, & miraculis vulgabatur.

*V. Puer in puteo suffocatus, & mortuus.  
Dei virtute ad vitam reuocatur.*

In ora Piscariæ Indiæ Orientalis, apud oppidum Combuturè, cum puer filius mulieris eiusdem loci indigenæ casu in puteum cecidisset; & iacens per multas horas sub aquis suffocatus esset; mater, & eius cognati mortuum inde extraxerunt; cumque eum ad sepulturam flentes deducerent, accurrit Dei seruus Xauerus ex proxima ecclesia sancti Stephani, quo venerat ad celebrandam Missam: quem cum vidisset

mater

mater pueri; eum deprecatur, vt vitam filio reddat: at ipse lacrymis matris commotus, & misertus pueri casum, propè accedens, oculis eleuatis, in genua prouolutus, pro vita pueri oratur: eiusque manu apprehensa, inquit: In Nomine Iesu Christi surge; & confestim puer surrexit uiuus, & illum sanum tradidit matri suæ, & cognatis. Omnes ergo, qui aderant, tanto miraculo obstupefacti, cœperunt clamare Miraculum: & gratias Deo egerunt, qui meritis, & intercessione Patris Xauerij illud operatus est; Xauerius verò præcepit eis, ne cuiquam rem gestam narrarent.

### *VI. Cæco visus restituitur.*

Dum Xauerius in Iaponia ethnicis fidem prædicaret, mercator quidam, quem à multis annis apud omnes constabat esse cœcum, ad eum accessit, petens, vt vellet sibi visum restituere, quo iam diu omnino carebat: Xauerius recitato prius super eo quodam Euangelio, fecit super eius oculos sanctissimum signum crucis; quo peracto, subito, & eodem momento aperti sunt oculi eius; & cœpit videre, ac se domum recepit iussu eiusdem Patris Xauerij. Sequenti verò die venit

venit prædictus cæcus ad ecclesiam, quærens iterum P. Xauerium oculistamen apertis, & claris, & prostratus ad illius pedes simul cum tribus filiis maximas ei gratias egit pro tanto accepto beneficio, affirmans se melius videre, quàm antea, cum nondum in illam cæcitatem incidisset: & postea deduxit vxorem, & totam suam familiam; petens à Xauerio, vt vellet eos baptizare, quemadmodum factum est: & vulgata fama huius miraculi inter alios ethnicos; commoti sunt vehementer quamplurimi, & plusquam trecenti conuenerunt Xauerium, petentes sacrum baptismum, quos omnes ille baptizauit.

*VII. Mendicus ulcerosus miraculose sanatur.*

Cum in promontorio Comorini occurreret Xauerio mendicus toto corpore ulcerosus: Pater illius plagas, & pustulas magno charitatis sensu lauit, & vt maiorem de se victoriam reportaret, hausit aquam, qua lauerat: postea ingenua prouolutus, enixè præcatus est Deum pro salute dicti pauperis; qui statim fuit liberatus ab omnibus plagis, atque ulceribus.

VIII. *Cancer marinus deperditum in mari Crucifixum Xauerio miraculose defert.*

Cum Franciscus Xauerius in Insulis Molucis ageret, atque ex Amboino ad Baranulam Insulam nauigaret: sæua tempestas exorta est: ad eamque sedandam imaginem Crucifixi longam vno digito è collo detraxit, atque in mare immisit; dumque illam manu detinet desuper ex nauigio, forte accidit, vt ex manu dilaberetur, atque in medium mare decideret: qui casus Xauerium tantopere afflixit; vt magni doloris signa dederit. Sequenti vero die ad Insulam Baranulam peruenerunt, in qua est oppidum Tamalo, quod vectores nauigij, nautæque petebant: quare nauigio ad terram applicato descendens Xauerius cum socio per ipsum littus iter faciebat, quo Tamalum perueniret: dumque medium milliare peregissent, atque à loco amissi Crucifixi multis iam miliaribus distarent: ecce tibi marinus cancer cum prædicto Crucifixo è mari erumpit in littus, quem chelarum vtrinque morsibus eleuatum, & erectum gestabat: & sic ad Xauerium festinus accurrit, atque ante ipsius conspectum stetit. at Xauerius in genua se prouoluit; cancer verò expectauit, quousque Xauerius

uerius Crucifixum ex ipsius chelis apprehenderet : quo peracto statim in mare vnde exierat se recepit : tum Xauerus deosculatus, & amplexatus Crucifixum, brachijs ad pectus in modum crucis porrectis, humi prostratus per semihoram in oratione stetit : idem fecit socius, qui ad latus adhærebat, gratias agens Domino IESU Christo pro tam insigni miraculo.

*IX. Scapha tempestate abrepta miraculose  
redit ad nauem.*

Cum Xauerus ad Sinas contenderet in naui Odoardi à Gama, sæuissima orta tempestate, ita vt omnes de se actum esse existimarent : gubernator, ne repentina procellæ vis scapham auferret, validis eam rudentibus ad onerariam religari iussit. nauantes operam scaphæ nox opprescit; nec ita multo post abruptis retinaculis scapham tempestas abstulit tanto impetu; vt penè temporis momento omnium conspectum effugerit. vt vero quisque cognatos, necessariosque in scapha habebat : certatim eorum casum deplorare cœperunt. Xauerus ergo vniuersos collacrymantes intuens, bonum eos habere animum iussit, ac prædicit fore vt ante triduum

filia

filia remearet ad matrem; his verbis significans, scapham ad onerariam redituram.

Postero die prima luce Xauerus læto vultu prodijt in medium, ac nauarchum rogat, vt iubeat aliquem malo conscenso speculari, num scapha compareat; & vbi renunciatum est ex malo eam non conspici; in cubiculum se abdidit; ibique lacrymans bonam diei partem in oratione extraxit: indè læta nuncians, ipsos non multo post scapham esse visuros, nauarchum rogat, vt vela demittat, & scapham expectet: reclamantibus cæteris, quòd frustra iam expectaretur scapha, & quòd sine manifesto periculo onerariæ expectari non posset: nauarchus, qui precibus Xauerij defatigatus, vela demitti iusserat, intermisso temporis spacio, cum scapha nec adhuc conspiceretur, & nauis iam periclitari videretur, sæuiente adhuc mari, tolli propere vela imperat: insistit Xauerus rogans nautas, vt adhuc paulum expectent, certò affirmans, scapham nullo periculo onerariæ non multo post affuturam; cumque nautæ desperata re, ac stimulante metu nihilominus vela sustollerent: Xauerus accurrens, manuque antennis iniecta, per Christi mortem, & vulnera obsecrare instituit; ne pigeret etiam num morari parumper.

illi



illi obtemperarunt, ipse semel atque iterum; interea dum scapha expectaretur, & nullibi conspiceretur, & omnes ibi sine periculo se immorari non posse censerent; sublatis in cælum manibus enixè orabat; nauarchum, cæterosque bono animo esse iubens. intereà navis expectans, ingentibus agitabatur fluctibus impunè; iamque per tres ferme horas dilata omnium expectatione, pro desperata res erat: cum repentè quidam scapham apparere, atque aduentare proclamat: tum verò læti omnes Deo, Franciscoque gratulari cœperunt. vt scapha in conspectu omnium fuit, confestim ad eam excipiendam navis in obliquum statuitur: at illa Deo ducente rectè ad onerariam tendit. aduentanti alacres nautæ funem de more eminus iniicere parabant: cum Xauerus nihil fune opus est, inquit, ipsa per se sponte accedet ad onerariæ latus: idque omnibus miraculo attonitis ita euenit; atque ità aptè se applicuit, vt miseri illi commodè exciperentur: quin etiam in medijs fluctibus retinente nemine tamdiù stetit, quoad religaretur ad nauim, vt satis appareretur eiusdem, cuius adducta fuit precibus, eam retineri.

*X. Super vrbe Tolo pluit cineribus.*

Cum Franciscus Xauerus in Molucas Insulas penetrasset, & primus illas gentes ad Christum adduxisset: vrbs Tulus, in qua ad viginti-quinq. hominum millia baptizauerat: suauitatis cuiusdam tyranni fidem Christi deseruerat, ciuesq. ecclesia destructa cruces, & sacras Sanctorum imagines per ludibrium fregerant. quam rem ægerrimè ferens Franciscus, dolensq. de iniuria Deo illata, & de pernicie illarum animarum, postquam irritas suas preces vidit: quibus rebellium animos ad resipiscendum, quoad potuit, pertentauit: christianos milites ad vindicandam Dei iniuriam promissione victoriæ excitauit. viginti igitur Lusitani cum aliquibus Molucarum indigenis, qui omnes numerum quadringentorum explebant, expeditionem aduersus Tolum susceperunt, Francisco suadente, & comite, ac felicem belli exitum promittente.

Erat arx Toli in edito loco posita non minus armis, quàm situ munita: accesserat hostium fraus; nam ea parte editæ rupis, qua sola adiri poterat, stimulos ferreos supposuerant, in quos sese induerent, qui propè arcem conarentur accedere. Vix Christiani ad Tolum accesserant,

D cum,

cum, Francisco ad Deū preces fundente, ex vicini montis vertice cum horrēdo mugitu, & fragore magnum erupit incendiū, & ingens cineris, ac pumicum vis eiecta: quod nunquam in ijs partibus euenisse constat, non modo stimulos ferreos cooperuit; sed etiam arcis fastigium atquauit.

Per idem tempus terramotus insolitus rectorum urbis ingentem edidit stragem; ita vt plerisque hostium pavor compulerit in fugam; cineris deinde, ac pumicum copia congesta; facilem in moenia ascensum dedit. quare arx, oppidum, totaque regio sine vllō certamine sunt subacta; & ciues, qui tali prodigio perterriti urbem deseruerant, & in proximās tulyas se abderant, ad Xauerium statim supplices accurrerunt, & ad eius pedes prostrati, delicti veniam petierunt. Xauerius igitur eodem cum Ecclesia reconciliauit; imposita salutari poenitentia, vt templa euersa reficerent, & susceptam semel Christi fidem in posterum sanctē, pieque colerent.

Communis omnium etiam barbarorum consensus fuit, hanc memorabilem victoriam diuinā, non humanā ope obtentam fuisse: & tam opportune flagrantis montis auxilium cum subita cineris, & pumicum congerie miraculosē

inter-

intercessione, ac precibus Xaverii euemisse: qui diuinam opem suis orationibus conciliarat: ut cuius belliauctor existerat, precipuus quoque suis orationibus esset adiutor.

## DE MIRACVLIS POST MORTEM.

*I. Corpus incorruptum perseverat.*

**M**ORTUO Patre Francisco Xaverio in insula Sanciani prope Sinas, eius corpus in capsula lignea, viua calce iniecta, sub terra sepelitur; ut quamprimum exesa carne, ossa possent in Indiam deportari. quatuor inde post menses effoditur, apertaque capsula, & excussa calce, prorsus integrum corpus reperitur sine vlla tabe, ac si tunc humatum esset: ita ut color viuax, caro recens, vestimenta nulla ex parte laesa essent.

Iniecta iterum calce in eadem arca Malacam defertur: ibique aperta arca integrum sicut antea inuenitur. In templum deinde Dominae nostrae de monte defertur, excussaque calce in nouo loculo sepelitur: noui verò loculi breuitas coegit eos, qui funeri operam dabant, corpus nonnihil comprimere, atque inflectere:

quod causæ fuit, ut ex humeris repente effluerit sanguis.

Cum ergo ibi aliquandiu iacuisset: nono post obitum mense, sepulcro patefacto non minus integrum ex humo, quam antea ex calce inuentum est: & velum, quo eius facies operta fuerat, propter ingestæ compressæque terræ pondus in humatione, recenti imbutum cruore.

Quo moti miraculo, qui aderant, nouam curarunt arcam intus, forisque serica, & aurea veste coopertam: sic in Indiam delatum Cocchini portum primum appulit, confluentibus deuotione, & admiratione ciuibus ad contuendum corpus: Inde Goam exportatum, celebrique, ac festa pompa à Prorege, & omnibus ordinibus exceptum in ecclesiam Societatis IESU deferitur: vbi affluentis populi cupiditati, ut satisficeret: corpus validis cancellis munitum, per totum triduum oculis omnium exponi necesse fuit.

Et quoniam rei miraculum excedebat fidem: de mandato Proregis ab insigni medico corpus inspectum, pertentatumque fuit, & compertum incorruptum, succosum, & molle, integris, ac solidis intestinis; ex quibus per paruum

uum vulnus inflictum manabat sanguis, nullo balsami, oleiue indicio. Exacto triduo, arca prope aram maximam ad dextram in sepulcro per eos dies parato, ad tempus condita est. Postea Vicarius Generalis Episcopi Goani sede vacante, & Inquisitor generalis, aperto sepulcro, multis collucentibus facibus, pro suo munere, atque officio pertentarent corpus iterum, ac demum; nihilque non integrum reppererunt.

*II. Corpus eius suauissimum emittit odorem.*

Dum corpus Xauerij in insula Sanciano, vel Malaca loculo includitur, vel ab eo extrahitur: similiter dum Malacam, & exinde in Indiam naui aduehitur, vel Goæ visendum exponitur, aut ibidem in capsa visitatur, licet nullo odoramentorum genere curatum esset: suauissimum tamen odorem ex se emittebat; ita vt omniū spiritus suscitaret, & confortaret; nec poterāt discernere, cuiusnam rei tam suavis ille odor esset.

*III. Aduentu corporis Xauerij Malaca cessat repente pestis.*

Cum Malacam urbem in India Orientali ce-

leberimam, & frequentissimam sæua pestis in-  
uasisset (quod propter ciuium peccata euentu-  
rum illi antea discedens Xauerius prædixerat)  
breuique tempore quamplurimi paucis admo-  
dum superstitionibus periissent; necdum desæuiret  
lues; sed maxime in dies grassaretur: vt pri-  
mum corpus Patris Francisci, quod ex Sinis in  
Indiam afferebatur, eò appulit; & ex naui in  
urbem delatum fuit: statim ac subito contagio-  
sus ille morbus omnino cessauit: nec ab ea die  
mortuus ullus, aut morbo correptus fuit: sed  
adeo tota lues extincta est; vt tam pestiferi mor-  
bi deinceps ne vestigium vllum superfuerit.

*IV. Ex digito pedis Xauerij defuncti recens sanguis  
effluit.*

Cum Goam Xauerij corpus Malaca aduenis-  
set, & in ecclesia fuisset expositum; magnaue  
populi multitudo deuotione commota ad deo-  
sculandum illius pedes accessisset: deuota quæ-  
dam mulier feruore deuotionis adducta, digi-  
tum pedis morsu apprehendit, & dentibus nixa  
est euellere frustulum; quod pro reliquia sibi  
conseruaret: ex quo morsu recens effluxit san-  
guis, ac si manaret de corpore viuo. Quo viso  
mira-



miraculo omnes, qui præsentés aderant, valde sunt admirati; & maximam inde deuotionem erga Xauerium conceperunt.

*V. Puer utroque crure, & pede siccis, & aridis ad sepulcrum Xauerij miraculose sanatur.*

Puer Ventura Goæ natus in domo Dominæ Ioannæ Fonsecæ, quæ illum vt filium diligebat, habebat à natiuitate vtrumque pedem, & crura omnino sicca, & arida; neque amplius digito crassiora: ita vt per quinquennium semper humi manibus reptare cogeretur: nec erectum in pedes illum continere poterant, quin statim caderet. multis remedijs frustra tentatis ad Xauerij opem Ioanna confugit, puerum magna fide, ac deuotione illi commendans, sepulcrum illius cum puero per nouem dies visitaturam se promittens: cumque votum cœpisset adimplere: tertia iam die, qua sepulcrum visitabat, puer in eius gremio existens, repente ferream sepulcri cratem manibus apprehendens, suis stare pedibus, & ambulare cœpit, & statim omnino sanus euasit: ita vt per se deinceps sine aliquo adminiculo ambulauerit; & inde melius semper se habens, intra nouem illos dies, quos promisse

rat, crura carne repleta sint : & sic perpetuo valens, & sanus deinde vixit.

*VI. Lampades sola aqua repletæ ante imaginem Xauerij ardent.*

In ecclesia Cottatæ oræ Trauancoridis in India Orientali lampades positæ ante imaginem P. Xauerij, sola aqua benedicta repletæ, sæpe ardere visæ sunt ; & per multas horas, ac si oleum haberent : & hoc in fidei christianæ confirmationem, & ad ostendendam falsitatem idolatriæ, & sanctitatem P. Xauerij, multis ethnicis, mahometanis, & christianis videntibus, & admirantibus : quorum aliquot præsertim ex infidelibus inuitati à christianis ad videndum miraculum, vt experimentum facerent de illius veritate, aquam subinde mutarunt, & noua elychnia in dictis lampadibus imposuerunt, quæ nihilominus arserunt, vt antea : & dum essent extinctæ, ignem interdum ex se ipsis concepere.

*VII. Infans mortuus ad vitam reuocatur.*

In Regno Trauancoridis Indiæ Orientalis infans vnius mensis magno ventris profluuiio, & febrī

febri laborans emoritur. eius cadauer inhumatum seponitur tradendum postea sepulturæ; & per septem, & amplius horas manet contectum linea tela; quæ fuerat ad vestem funebrem conficissâ ab ipsomet parente iuxta morem illius gentis. Interim cum parens filij mortem acerbè ferret: monetur ab amicis, vt filium Patri Francisco voueat; quippè qui posset illi vitam reddere, cum tot, & tanta miracula patrafset. parens magna fiducia de Xauerio concepta; vouit ipsius Xauerij ecclesiæ, quæ apud Cottatæ oppidum est, magnam eleemosynam, si vitam filio reddat: insuper se filio nomen Francisci impositurum. dumque multis lacrymis precatur Xauerium, coram filij cadauere, vt suæ consulat orbitati: cernitur repente puer aperire oculos, mouere manus, pedesque, ac vocular, & lamenta puerilia edere. accurrunt vndique circumstantes, videntesque puerulum non modo viuum, sed omnino sanum, & valentem, acclamant, & mirantur tantum miraculum. Parens suscitatum filium ducit ad ecclesiam Xauerij, & ibi illi imposito Francisci nomine, & collata eleemosyna, voto se exsoluit: atque omnes maximam exinde erga Xauerium concipiunt deuotionem.

*VIII. Cæcus visum recepit ante imaginem Xauerij.*

Quidam Malabaris nomine Chiambaratecure Thesaurarius Sanctæ Crucis oppidi Colecha Regni Trauancoridis in India Orientali, dum festos ignes componit ad ecclesiæ prædictæ festiuitatem celebrandam: sulphureus puluis inopinato accensus, vultum illi pene totum combussit; & visum oculorum omnino ademit; ita vt nihil prorsus posset cernere. Cumque aliquot iam annos cæcus perseverasset: apparet illi in somnis P. Xauerius, eumque monet; vt ad ecclesiam ipsius visitandam pergat: fore enim, vt hac ratione lumen oculorum recipiat. è somno experrectus ducem itineris statim accipit, atque in ecclesiam Cottatæ contendit; in qua Xauerius magna veneratione colitur: ibi per nouem dies commoratus, assidua deprecatione Xauerij opem, & patrocinium implorat; & dum ante Xauerij imaginem orat, decussa caligine oculorum, lumen repente recipit; & gratijs pro beneficio actis, domum suam reuertitur absque ullo itineris duce; quæ à dicta ecclesia sex leucas distat: eamque deuotionem animo erga Xauerium concepit; vt in illius honorem multa carmina, & laudes lingua Malabarica composuerit.

*Leprosus*

*IX. Leprosus miraculose sanatur.*

Franciscus Peremal natione Chiauallaire in India Orientali homo adhuc ethnicus, cum toto corpore lepra esset affectus, & pustulis plenus, atque ab omni remedio humano desperatus, ac sæpius fidem christianam suscipere detrectasset: monitus in somnis à P. Xauerio, adiuit ecclesiam Cottatæ, cuius oppidi erat indigena: & ibi vngens se oleo lampadis, atque prostratus ante Xauerij imaginem dum illius opem implorat, repente mundatur à lepra, & integram sanitatem recuperat: quo viso miraculo, se conuertit ad fidem, & duos inde post menses baptizatur.

*X. Dysenterica vngens se oleo lampadis Xauerij perfecte sanatur.*

Francisca Rebella dysenteria, seu fluxu sanguinis tres menses continuos non sine ventris tumore laborarat. cuius morbi vis cum eam in vitæ discrimen adduceret; nec amplius medicamenta ei prodesse viderentur: feria quinta, maioris hebdomadæ venit ad Patris Francisci imaginem in Capella quadam ecclesiæ Societatis

tis I E. s. v. Coulani appensam; vota inibi Deo nuncupat; enixeque Xauerij auxilio pro recuperanda salute implorato; cum acerbo ventris dolore, prout dysentericis euenire solet, se premi sentiret: vngit se oleo lampadis Patris Francisci magna fide, ac certa fiducia recuperandæ salutis: & repente omni dolore liberatur; atque ex illa hora prorsus ab ea infirmitate conualescit; adeo vt nulla deinceps huiusmodi tumoris, & dysenterix senserit incommoda.

*Pro tribus sequentibus miraculis.*

Lucia de Villanzani Sinica annorum centum & viginti cognouit P. Franciscum Xauerium dum in India prædicabat; & ab eo in fide christiana fuit instructa; & ob id magnâ erga Xauerium deuotionem concepit: eo deinde mortuo honeste semper, & laudabiliter vixit, frequentando sacramenta Confessionis & Eucharistiæ, & inseruiendo pauperibus, alijsque operibus pietatis vacando. Cumque medaliâ, in qua effigies erat P. Francisci, obtinuisset in vrbe Cocchini: duodecim ante annis ea tangebatur infirmos; vel aquam, cui eadem medalia iniecta fuerat, potandam præbebat; vel ea lauabat partes morbo

bo affectas, nulla tamen vtens illicita cæremonia, aut superstitioso modo, sed magna humilitate, & reuerentia signans eos signo Crucis dicens. In nomine I E S V, & Patris Francisci Xauerij tibi restituatur sanitas, qua indiges. quare præuia humilitate, & deuotione, sinceraque fide huius mulieris dignatus est Deus, opera mirabilia facere meritis, & intercessione Xauerij, vt ex dicendis patebit.

*XI. Laborans inueterato, & vlceroso cancro repente sanatur.*

Gondifaluus Rodriguez de Valle Coccinensis accola maximum, & vlcerosum à multis annis habebat cancerum cordi proximum; ita vt nec manducare, nec quiescere, nec alijs actibus naturalibus vti villo modo posset propter magnos dolores: sumptisque frustra varijs medicamentis, motus fama miraculorum, quæ fiebant virtute medalie P. Francisci, conuenit prædictam Luciam, eamque genibus flexis precatur; vt medaliam cancro applicet: cui vt illa morem gereret, facto prius Crucis signo, cancro vlceroso medaliam imposuit, verbis prolatis. In nomine I E S V, & Patris Francisci Xauerij tibi reddatur sanitas:



sanitas : statim & eodem momento liberatus fuit, & penitus sanitati restitutus.

*XII. Habens crura ulceroſa , & laborans dysenteria miraculoſe ſanatur.*

In Vrbe Coccini Emanuel Rodriguez annorum quinquaginta ſeptem, habens crura ulceribus plena, varijs per aliquot annos in vanum tentatis medicamentis, ita in dies habebat peius: vt nervis contractis, crus vnum breuius altero euaserit; quo neque poterat incedere, neque terram tangere; & propterea geſtatoria ſede deferebatur: quibus malis ventris profluuium, ſeu dysenteria acceſſit; proptereaque à medicis, proſtrata omnino valetudine, derelictus eſt, cum nulla iam ſubefſet ſpes recuperandæ ſanitatís: tandem fiducia meritorum, & interceſſionis Patris Xaverij, ductus ad prædictam Luciam, ab ea petijt deuotè, vt medalia ſibi applicaret: cui illa morem geſſit, facto prius ſuper cruribus ſigno Crucis cum verbis. In nomine I E ſ u, & Patris Franciſci, &c. & aquam deinde potandam dedit, in qua fuerat iniecta medalia: ſtatimque liberatus eſt à dictis ulceribus, & dysenteria: & intra triduum perfectam

fectam omnino recuperavit sanitatem, & sanus  
perseuerans nullo deinde impedimento ambu-  
labat.

## DE MIRACULIS

*XIII. Mulier paralytica, & cæca sanitatem, &  
visum oculorum recuperat.*

In eadem urbe Coccini Maria Diaz vxor  
Ioannis de Caruaglio per septem annos paraly-  
tica ita laborauerat ex dimidia corporis parte; vt  
nec manum, nec pedem, nec quicquam ab eo  
latere mouere posset. item ita amiserat visum  
oculorum; vt à septem annis esset omnino cæ-  
ca. In his infirmitatibus constituta, adita Lu-  
cia prædicta, penes quam medaliam esse sciebat,  
cum magna fide precata est; vt dictam meda-  
liam suis oculis, & membris affectis applicaret;  
& aqua illius prædictas partes lauare dignaretur.  
quod cum eadem sæpius, & per septem  
continuos dies effecisset, imponens medaliam  
super oculos, & partes affectas, signans eas signo  
Crucis, inuocato Xauerij nomine, & easdem  
lauans: statim melius habere cœpit, & intra il-  
lud septiduum recuperavit visum oculorum,  
ac perfectam sanitatem recepit: & baculum quo  
antec̃ agra membra trahebat, reliquit in ec-  
clesia.

clesia Societatis I E S V in memoriam accepti  
beneficij.

## DE MIRACVLOSIS

### Prædictionibus.

**E**X miraculosis prædictionibus huius Ser-  
uī Dei aliquot principales etiam re-  
feremus.

#### I.

Cum infideles barbari Aceni è Somatra insu-  
la Malacam venissent ad prædandum, cum classi-  
se, quæ constabat nauibus sexaginta, & quinque  
millibus armatorum; inter quos erant Turcæ,  
& Iannizeri non pauci: aliquot Christianorum  
naues in Portu Malacensi incenderunt; & in ca-  
ptos Christianos eximiæ crudelitatis exempla in  
odium christianæ fidei ediderunt. Quare hor-  
tatu P. Francisci Xauerij milites Christiani non  
amplius triginta supra ducentos in octo naues  
distributi, barbaros insequuti sunt: licet re in  
vrbs consilio agitata, ciuibus vniuersim teme-  
rarium videretur; tam paucos aduersus tantam  
classem huiusmodi expeditionem suscipere.

Præterea cum Lusitana classis è portu solue-  
ret, Prætoria biremis spectante Ciuitate in ipso  
portu,

portu, incertum quo casu, aperitur, & submergitur, saluis tamen militibus. quo infortunio excitatus populus infelicem portendi ratus euentum, temerarium iudicabat contra validam Acenorum classem tam paruo nauigiorum numero velle contendere.

Franciscus tamen Lusitanorum militum animos ad pium bellum accendens; vt Acenos Christi acerrimos hostes superbè abeuntes insectarentur, ijs præcipit: promittens certam Christi ope victoriam: eodemque die pro vna biremi amissa duas venturas, & classi esse adiungendas, pronunciat. Et ecce ante solis occasum, Franciscus à cælo admonitus, biremes duas Lusitanas, vnâ Didaci Suarij nobilis institoris, alteram Ioannis eiusdem filij procul in mari conspicit, ex Molucis Patene venientes, instructas militibus, & bellico apparatu: altum tamen tenebant, cursum vltèrius dirigentes, ne vectigal solitum, seu portorium Malacæ pendere cogerentur. Conscendit illico lembum Xauerius; ad Didacum Suarez contendit; eumque ad bellum suscipiendum pro Christi nomine adhortatur. ille Xauerij rogatu, omni tributo exolutus à Præfecto vrbis Simone Mello, Malacam cum suis biremibus appellit; bellicque socium se offert

E reliquis

reliquis Lusitanis. Hanc igitur tumultuariam militum manum CHRISTI COHORTEM Xauerius appellauit. Abiere milites Patris promissis, ac sanctitate freti. Cumque iam vnus, & dimidiati mensis spatio nihil de illis sciretur; famaue ab infidelibus vulgata, nostri ab Acanis trucidati crederentur: ciuitas vniuersa mœrebat; & mulieres viros suos pro mortuis lamentabantur: multique ad artes illicitas, & magicas recurrerant; vt aliquo modo scirent, quid tandem de illis actum esset.

Die igitur quadam Dominica sub finem concionis, ea ipsa die, & hora, qua nostri ad flumen Parles, quod Malaca distat trecentis miliaribus, promissam à Francisco victoriam, non sine miraculo obtinebant, occisis quatuor millibus barbarorum, & captis, vel demersis cunctis eorum nauibus: postquam Xauerius modicam astantium fidem reprehendit, Diuini spiritus instinctu ad Crucifixi effigiem conuersus, cum effusa corporis actione vaticinans; primum classium congressum verbis describere per ambages cœpit, ac si in ipsa pugna præsens adfuisset, auditoribus admirantibus. Postea ardentibus oculis, vultuque pro pugnantis orat. factoque deprecandi sine, corporis deficiens iactatione, caput,

caput, quasi fatigatus, summa suggesti spondapulisper inclinauit. deinde inusitata oris hilaritate insurgens: Recitate, inquit, vnum Pater, & Aue, & agite Deo quantas maximas potestis gratias pro victoria, quam nostri hac ipsa hora de Acenis reportarunt, tribus tantum aut quatuor ex nostris in bello desideratis; & tali die vobis aderit ea de re nuncius. Diem etiam definiuit, quo nostri reuersuri erant spolijs onusti.

Vaticinationem multiplici successu exitus comprobauit: nam biduo, triduoue post, eo die quo Pater prædixerat, nuncius aduenit; nostriq. spolijs onusti dicta subinde die reuersi sunt: collatisque inuicem rebus, ac circumstantijs omnibus; constitit eadem ipsa hora, qua Pater Franciscus Malacæ in tanta locorum distantia pronunciauerat, victoriam contigisse. illudque pro maximo miraculo vniuersa ciuitas habuit: cum nonnisi diuina reuelatione, quæ pronuntiata sunt à Francisco, sciri potuissent.

## II.

Cum Pater Franciscus naui Iacobi Pereiræ, cui à Sancta Cruce nomen erat, veheretur; obortaque graui tempestate nautæ, ac reliqui vectores timerent, ne procellæ impetus nauem discerperet; ipse omnes hos metu liberauit; &

eam benedicens prædixit ; nauem illam non in mari tempestatis vi, sed in nauali dissoluendam. Deinde Pereiræ nauarcho peritissimo denunciat naufragium alterius nauis, quæ vna cum ipsis è portu soluerat ; & breui se illius calamitatis conspecturum indicia. Nec multo post sedata procella, viderunt super vndas tabulas, & cadauera fluentia; certissima dissipatæ nauis indicia.

Cæterum nauis illa Pereiræ annos prope triginta Patri Francisco superstes, quamuis vetusta, & cariosa, fluctibusque labefactata, ex tot cursibus, ac tempestatibus incolumis semper euasit : quin vectores, institutoresque dictæ prædictioni confisi in illam certatim suas merces imponebant ; ac sine metu naufragij, iacturæque ultro, citroque commeabant. Quocumque appellebat nauis, tumultu, & plausu populi excipiebatur : & tota iam India illam vocabat nauem Sancti Patris. Demum Duci cuidam Diensi diuendita, post multas nauigationes cum Coccinum appulisset, ibique in nauale subducta esset, vt quassata reficeretur, ibidem se ipsa dissoluta est : & sic Xauerij vaticinationem comprobauit.

Cum



## III.

Cum Xauerus Malaca ad Amboinum insulam traiceret: cum eo profectus est Ioannes de Arausio Mercator. Lusitanus. sub idem vero tempus classe Hispanorum vna, & altera Lusitanorum ad Amboinum appulsis, cœpit sæualues complurimos vtriusque classis absumere. itaque Xauerus de more res necessarias, & medicamenta à diuitibus conquisita, egentibus & grotis suppeditabat; à diuite Arausio eiusmodi eleemosynas potissimum petens; qui tamen sua tenacius conseruans, iam ægrè præstabat Xauerio frequentius petenti; metuens, ne sibimet ipsi aliquando deessent. Vnde cuidam Francisco Paleæ Xauerij nomine pro infirmo roganti vinum, ægre dedit: admonens, se id Francisco tum quidem dare; sed ea conditione; vt in posterum aliud tale ab eo non postularet. Quod vbi Xauerio nunciatum est ab eodem Francisco Palea: Xauerus repente, quid? existimat inquit, Arausius, possessionem eorum, quæ habet, fore diuturnam; & consumpturum se esse suum vinum? errat certo; sciat, se in hac ipsa insula esse moriturum, & eius bona in vsum pauperum cessura. & postea eum monuit, vt libenter pro infirmis petita præstaret, animæque suæ consu-

leret: quandoquidem illa esset vltima terra, in quam de naui exensurus erat.

Prædictioni respondit euentus. discedens enim Pater Franciscus ex Amboino in Molucam, in eadem insula reliquit Arausium. Postmodum cum in Ternate insula, quæ vna est ex Molucis, post multos dies sacrum faceret in magna populi frequentia: post offertorium, conuertens se de more ad populum dixit: Orate fratres pro anima Ioannis de Arausio, qui modo in Amboino expirauit; & commendate illam Deo: heri sacrum pro illo feci, & hodie iterum facio. ad hæc mirati qui aderant, post mutuos præ stupore intuitus, quæsiuere inter se; quæ tandem ratione id scire Franciscus potuisset, cum ab eo loco distaret Amboinus passuum millibus amplius ducentis; & neminem per eos dies inde venisse constaret. admiratione deinde in expectationem versa, notatur res diesque ab ijs, qui audierant: & tamdiù fuere de re dubij, donec interiectis duodecim diebus, naui ex Amboino vectus Raphael Caruallius, Arausij mortem nunciauit: id quod etiam ex litteris à Ioanne Derio ad Xauerium missis, & à Caruallio delatis certo constitit; illum nimirum esse mortuum in loco Tibiquisanis eiusdem insulæ: & temporibus

ribus præterea, ac rebus inter se comparatis, omnia cum Francisci prædictione congruere comperta sunt. Quare nemini dubium fuit, quin id, Xauerus diuinitus cognouisset. adeoque illum, tanquam prophetiæ dono præditum, omnes suspicere cœperunt.

#### IV.

Meliapore quidam mercator erga Patrem Franciscum maxime pius illum salutauit in digressu, volens nauigare Malacam : instanterque petijt aliquid, conseruandæ illius memoriæ causa. Xauerus è collo detractam precariam coronam ei dedit, commendans, vt eam magni æstimaret; & simul ei promisit, quòd quamdiu illam apud se haberet, non esset in mari periturus. quod ita prorsus euenit. Nam in ea nauigatione; cum iam esset propè Malacam, longissimè à Meliapore; nāuis, qua vehebatur, vi tempestatis abrepta in mari periit; & defiliens mercator cum nonnullis alijs vectoribus in tabulata, quæ ex lignis raptim composuerant; in alto mari alienato à sensibus animo deliquium, seu animi extasim passus est: in qua sibi videbatur proprijs oculis inspicere Patrem Xauerium, & cum illo colloqui in eodem loco, à quo profectus fuerat, & à Xauerio acceperat precariam coronam.

denuum

demum quinto post die , ex quo defilijt in ea tabulata, ab illa animi extasi , velut ab alto somno experrectus , repentè se vidit in littore Negapatani prope Meliaporem saluum, & incolumem, ereptum à fluctibus , amissis , marique absumptis reliquis omnibus, qui cum eo in tabulata defilierant: quia neque amplius illi, neque ea comparuerunt.

## V.

Cum Pater discederet ex Moluco , & trajiceret in insulam Mori, lætis omnibus, qui nauigio vehebantur: in medio cursu certo quodam die, quasi indignans surrexit, & scindens vestem exclamauit: **IESV**, illi homines, qui occidunt illos homines! cæterum vectores nouitate permoti, ad Xauerium accurrunt; & quid rei esset, percunctantur: tùm ille in se rediens, re dissimulata, nihil esse respondit. Verum cum naus ad insulæ portum appulit, comperiunt quosdam Lusitanos in littore à latronibus fuisse interfectos eo ipso tempore , quo Pater prædicta verba protulerat in naui.

## VI.

Ioannes Durus Mercator adolescens ex Ceilano profectus in vrbem sancti Thomæ, conuenit Patrem Franciscum Xauerium; vt cum illo  
confi-

confiteretur. confessione peracta à Francisco petit; vt fernet vitæ socium accipiat; quod tandem post multas preces obtinuit; & opes suas in pauperes distribuere cœpit. postea tamen à communi hominum hoste sollicitatus, à Francisci obedientia se abduxit; & cum in quædam peccata incidisset, mercibus in nauiculam occultissimè impositis, Xauerio inscio, vt credebat, parabat fugam. tum Pater occultæ fugæ consilium diuinitus cognoscens, subito per puerum eum iam iam è portu soluturum ad se vocari iubet: quo nuncio vehementer admiratus constitit; dubius quid ageret: sed rem dissimulans tandem decreuit ad Franciscum vocantem ire: quem vix limen domus attingentem, aspiciens Pater, Peccasti, inquit, peccasti. Quibus ille auditis submisso capite respondit; Verum est, peccaui: cui adiunxit Franciscus, Accede igitur ad confessionem. quibus verbis Durus adeò fuit commotus; vt domum profectus, eo ipso die nauigium vendiderit; & facta confessione, atque in pauperes mercibus distributis, socium se, vt antea, Xauerio constanter adiunxerit.

Cum illo itaque traiecit in insulas Molucas, & iterum Malacani venit. inde in desertam insulam delatus, cum in æde quadam sacra moraretur

retur : de nocte grauitè tentatus fuit a dæmone; & ( incertum vigilans an somnians ) insolita aliqua vidit . nec ita multo post , cum sua delicta de more confiteretur , visionem cælauit . at Xauerus re diuinitus cognita in confessione, ex eo quærit, quidnam rei in desertæ insulæ templo ei contigerit . nihil vero, inquit ille: cum Pater instaret iterum , & sæpius : semper visionem cælauit . tandem Franciscus, vt vidit illum ex composito visa celare ; ipsemet omnia enarrare cœpit . quod audiens Durus , obstupuit : & cognouit Deum in Francisco habitare ; ac demum cum illo redijt in gratiam ; cui postea Xauerus denunciavit , fore vt Franciscanorum institutum, ac disciplinam amplecteretur, ibique æternam salutem esset consequuturus . Prædictioni non defuit euentus . Durus enim Religionem sancti Francisci ingressus est.

## VII.

Cum Xauerus aliquando Machai apud Sinas Petrum Vellium latrunculis ludentem in domo aliena conueniret , ab eo petijt eleemosynam ad opus faciendum : ei Vellius tradidit clauem arcæ nummariæ, auferre iubens, quot vellet nummos . Xauerus adiuit domum illius ; & tercentis nummis aureis ex arca depromptis,  
Vellio

Vellio reddidit clauem. qui rediens domum, & aperiens arcam nummariam, nullam pecuniam ex ea cognouit defuisse: & sciscitanti à Xauerio, quantum auri abstulisset; Pater respondit, se deprompsisse tercentos aureos: cui Vellius se reperturum dixit omnes, quot quot habebat in arca nummos, nullosq. defuisse: addiditque, ei se arcæ clauem eo animo tradidisse, ut ex æquo dimidiam triginta millium aureorum, qui aderant, partem sibi demeret: cui Xauerius: Ego vero tibi Velli in Dei nomine polliceor: nunquam Deum tibi defuturum dum vixeris, & tibi semper suppeditaturum abundanter ea, quæ tibi opus erunt; & omnes tibi liberali animo, & voluntate largituros: quinimo diuinitus supremum vitæ diem agnosces. Nec Vellium Franciscus fefellit: quia licet ei acciderint multa, quibus esset casurus in paupertatem, nisi omnes eum liberaliter iuuissent: nihil tamen illi aliquando pro se, & pro sua familia defuit.

Multos igitur post annos diuinitus de instanti morte Vellius præmonitus rem suam familiarum magna ex parte in pauperes prius diuisit: missas celebrari pro anima sua iussit: propinquis, & amicis vltimum vale dicens; Xauerij prædicationem, eiusq. euentum lætus ijs exposuit; qui

eum



cum delirare credebant. At vero cum interfuisset missæ, solemni ritu defunctorum celebratæ; ipse se in feretro composuit tapete coopertus, mortem senex expectans. Finita missa, & dicto à Sacerdote responsorio, Requiescat in pace: accurrerunt famuli eius, ut auferrent tapetem, credentes viuum esse: sed ille iam animam creatori suo reddiderat. quæ res comprobauit Xauerij vaticinationem.

HAEC sunt, Pater Beatissime, quæ ex legitimis actis huius causæ dicenda fuerunt de vita, & moribus Serui Dei Francisci Xauerij Societatis IESU, ac de miraculis illius intercessione, & meritis factis. Quibus latius in pluribus Congregationibus diligenter perpensis, atque discussis Cardinales Congregationis Sacrorum Rituum in eam sententiam vnanimes venerunt: Possê Sanctitatem Vestram (si ei placuerit) ad vltiora procedere, & Canonizationem Serui Dei Francisci Xauerij iuxta Sacros Romanæ Ecclesiæ ritus perficere, & solemniter celebrare.

